

PRIKAZI I OSVRTI

GRAČANIČKI GLASNIK
časopis za kulturnu historijuBroj 55
Godina XXVIII
Maj, 2023.
[str. 191-192]

© Monos 2023

Vodič kroz arhiv Bošnjačkog instituta – Fondacije Adila Zulfikarpašića

Sarajevo, 2020.

Bošnjački institut–Fondacija Adil Zulfikarpašić, ugledna bosanskohercegovačka institucija u oblastima nauke i kulture, krajem 2021. godine obilježila je dva značajna jubileja: stotu godišnjicu od rođenja svoga utemeljitelja i vakifa, Adil-bega Zulfikarpašića i dvadesetu godišnjicu od kad je 2001. godine Bošnjački institut iz Ciriha u Švicarskoj premješten u Sarajevo. U povodu obilježavanja ovih godišnjica, krajem 2021. godine, održani su Dani Bošnjačkog instituta u okviru kojih su upriličene dvije manifestacije: promocija četiri izdanja Bošnjačkog instituta i izložba “Bosanski pogledi i putokazi: Adil-beg Zulfikarpašić 1921-2008”. Na promociji u Bošnjačkom institutu, održanoj 16. decembra 2021. godine, predstavljena su izdanja Bošnjačkog instituta – Fondacija Adil Zulfikarpašić: Zbornik radova *Adil Zulfikarpašić i liberalne političke inicijative*, Zbornik radova *Vrijeme pamćenja: Muslimanske rezolucije 1941.*, Katalog *Mersad Berber: Dar Bošnjačkom institutu i Vodič kroz arhiv Bošnjačkog instituta*.

Arhiv Bošnjački instituta–fondacija Adil Zulfikarpašić posjeduje značajnu količinu arhivske građe koja se najvećim dijelom odnosi na historiju Bosne i Hercegovine za period 19. i 20. stoljeća. Za ovu bogatu i sadržajno raznovrsnu građu odavno vlada veliko zanimanje, naročito među historičarima, ali i mnogim drugim istraživačima naše tradicije i kulture. Kako bi ta građa postala dostupna svim zainteresiranim korisnicima u Bošnjačkom institutu je 2020. godine objavljen, a krajem 2021. godine i predstavljen *Vodič kroz Arhiv Bošnjačkog instituta – fondacije Adila Zulfikarpašića*. Ovom publikacijom Institut je pružio istraživačima, a i široj javnosti dragocjene informacije o svojim fondovima i učinio ih dostupnim javnosti–što je i bila želja i namjera Adil-bega Zulfikarpašića, utemeljitelja Fondacije. Nastajanje zbirke za Arhiv Bošnjačkog instituta počelo je prikupljanjem i čuvanjem dokumenata i arhivskog materijala lične arhive Adil-bega u Zulfikarpašića u njegovom domu u Cirihi, a kasnije se proširilo i na prikupljanje i otkupljivanje dokumenata iz drugih izvora kao i poklonima od građana.

Vodiči spadaju u najvažniju, a za izradu veoma zahtjevnu, stručnu literaturu, jer korisnicima trebaju pružiti informacije o: vrsti i količini arhivske građe, stepenu sredečnosti i dostupnosti u svakom pojedinom arhivskom fondu i arhivskoj zbirci. *Vodič kroz Arhiv Bpšnjačkog instituta – Fondacije Adila Zulfikarpašića* korisnicima građe, ali i svim zainteresiranim pruža opšti pregled arhiva, kao i uvid u pojedine fondove i zbirke za koje su navedeni podaci o nastanku, količini, sredečnosti i dostupnosti arhivske građa. Građa je razvrstana u pet zbirki; Zbirka Bosna, Zbirka Acta Turcica, Zbirka Socijalistička Jugoslavija 1945-1991, Zbirka Fmigratika 1946-1990., Zbirka fotografija, razglednica i priznanja i dvanaest ličnih i porodičnih fondova. Za svaku pojedinu zbirku i pojedini fond urađen je sumarni popis pa tako čitalac može saznati

da Arhiv Bošnjačkog instituta u svom depou čuva građu obrađenu u oko 7.800 arhivskih jedinca, pohranjenu u više od 800 arhivskih kutija kao i više od 6.000 fotografija i 35.000 razglednica. Vodiči kroz arhivsku građu su ona vrsta stručne literature koja ima zadatak da, prema stručno utvrđenim standardima arhivske teorije i arhivske prakse, svim zainteresiranim korisnicima pruži sve važnije podatke i informacije. Ovaj je sve to postigao. Uporedo je rađeno i na dostupnosti arhivske građe u digitalnom obliku pa je tako digitaliziran dio građe koji je dostupan na zahtjev, dok je drugi dio: razglednice iz doba austro-ugarske uprave dostupan na portalu Visual Archive Southeastern Europe (VASE)

**Narcisa Piljek-Bubrić, Mina Kujović i
Azra Gadžo Kasumović**